



01
2893

Broj: 03-03/1-04-32194/26
Sarajevo, 01.07.2026. godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine

Predmet: Odgovor na zastupničku inicijativu zastupnice Sebiye Izetbegović, dostavlja se -

Veza: vaš akt broj: 01-04-31246-12/26 od 23.06.2026. godine

Zastupnica Sebiya Izetbegović, dana 17.06.2026. godine, u skladu sa članom 213. Poslovnika Skupštine Kantona Sarajevo, uputila je Ministarstvu komunalne privrede, prostornog uređenja, građenja i zaštite okoliša Kantona Sarajevo, Ministarstvu pravde i uprave Kantona Sarajevo i Uredu za borbu protiv korupcije Kantona Sarajevo zastupničku inicijativu **za ispitivanje zakonitosti postupka izmjene i dopune sistematizacije radnih mjesta u KJKP „Vodovod i kanalizacija” d.o.o. Sarajevo.**

S tim u vezi, Ministarstvo pravde i uprave Kantona Sarajevo dostavlja sljedeći odgovor na zastupničku inicijativu:

U vezi sa zastupničkom inicijativom zastupnice Sebiye Izetbegović, obavještavamo vas da je odredbama člana 7. Zakona o ministarstvima i drugim organima uprave Kantona Sarajevo (“Službene novine Kantona Sarajevo”, broj 40/22) propisana nadležnost Ministarstva pravde i uprave Kantona Sarajevo, kako slijedi:

Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona.

Shodno citiranim odredbama, Ministarstvo pravde i uprave nema nadležnost za poduzimanje aktivnosti povodom podnesene inicijative.

U okviru svojih nadležnosti Ministarstvo pravde i uprave Kantona Sarajevo, daje mišljenje na pravilnik o unutrašnjoj organizaciji kantonalnih organa uprave i upravnih organizacija i stručnih službi u pogledu njihove usaglašenosti sa zakonskim propisima i podzakonskim aktima, kao i sa stanovišta racionalne organizacije uprave. Dakle, Ministarstvo pravde i uprave Kantona Sarajevo

nije nadležno za davanje mišljenja na pravilnike o organizaciji i sistematizaciji radnih mjesta kantonalnih javnih preduzeća.

S poštovanjem,

Dostaviti:

1. Naslovu,
2. u predmet.

